

經方應用



經方應用

秦州武國良簡侯編纂

當歸散類

婦人胎前產後諸病金匱千金主用

當歸散

當歸

芍藥

芎藭

黃芩

白朮各二

右為細末每服二。〇。一。三。〇。一日二回

服改煎劑亦得妊娠常服易產胎無疾苦產後

百病悉主之

證狀表現

原文婦人妊娠宜常服當歸散主

之

立方意義

本方雖未說明証狀就藥物可考知其主治與本方之大旨當歸有強心補血行血作用川芎有行滯通絡去瘀作用芍藥有解凝通瘀瀉火作用三味合用則血之滯者可通血滯而攣結有痛者可緩因血滯而見貧血之狀者可行可補婦人胎前血液多有鬱滯現象由鬱滯而生熱熱與濕結而致氣機不利發生水氣積蓄者有之故以黃芩清血中之熱白朮行脾中之濕從可知凡妊娠中具有血液鬱滯而濕熱並見之証當以本方為主治胎前

如是胎後亦如是立方之意蓋在於斯

治療標的 以胎前形瘦有熱濕之証產後有  
小便不利之証為主標的而用之

諸家緒論 易簡方治月經三四月不行或一  
月再至本方加山茱萸

方氏 丹溪心法附錄此方養血清熱之劑也  
瘦人血少有熱胎動不安素曾半產者皆宜服之以  
清其源而無患也

金鑑 妊娠無病不須服藥若其瘦而有熱恐  
耗血傷胎宜常服此以安之

葉橘泉 瘦人血少有熱有流產癖者產後有熱小便不利者效果極佳

漢方治療各論 妊娠中常服此方則胎氣自調和生產自容易從一月服至七月多得保全難產者亦用

編者按 此方可治妊娠腹筋攣痛及妊娠中有輕微之水氣者當歸芍藥散係從此方產生均有安胎易產之妙用

憑証使用 胎前濕熱產後尿少或腹痛有水氣者

以下係當歸散加減方

其上方証內熱少腹中疔痛有停水之候者去黃芩  
加澤瀉茯苓金匱名

當歸芍藥散

當歸 芍藥 各一  
茯苓 朮 各一三  
澤瀉 二三  
芍藥 四八

右為細末一日三回分服或增藥二倍以上以  
水二合五勺煎一合去滓一日分三回溫服

証狀表現 原文婦人懷孕腹中疔痛當歸芍

藥散主之又婦人腹中諸疼痛當歸芍藥散主之

補充 當有心悸或心下悸冒眩筋惕肉瞤小便不利腹部軟弱無力左側腹筋攣急之証

立方意義 本方証之腹痛由有貧血狀之瘀血停留腹中而水道受阻故用當歸芎藭芍藥行氣治血散瘀為一隊茯苓白朮澤瀉燥濕行水利尿為一隊一以通其血道一以通其水道水血均無所阻滯則由水停所生之眩冒動悸與由血滯所生之腹痛攣急等証自不復存在矣

治療標的 以有腹部疼痛左側腹筋攣急頭眩心悸小便不利等為主標的而用之

諸家經驗談 續建殊錄藝州人某患腹痛來

謁先生自以手按其腹良久曰僕得斯病醫索四方  
吐下針灸無不極盡其術然百治無效遷延七年矣  
今來浪華請公賜診雖死無怨先生診之自臍旁至  
胸下攣急疔痛日夜無間乃與當歸芍藥散三日沈  
疔頓去

又 一婦人足指疼痛不得步行一日腹中攣  
急上冲於心絕倒不知人事手足溫脈數兩便不通  
與當歸芍藥散小便快利色如血諸証頓除

又 浪華一賈人當行路時人誤踏其足遂成



跛躄眾皆以為脚氣因延先生診之無氣短倚息証  
腹痛上迫時時上竄神氣將亂乃用當歸芍藥散小  
便快利色如皂莢汁躄亦隨愈

險証百問 頃有一婦人患兩脚或一脚酸痛  
不能步行數月遂痛近胸腹部而攣痛飲食俱吐小  
便不利唇口乾燥氣息短迫人事不知自心下至少  
腹手不可近醫以為脚氣投藥數劑無寸效予診之  
胸中無動悸短氣有緩急非脚氣冲心証也乃與當  
歸芍藥散作湯液與之服三帖痛退腹中雷鳴小便  
快利其色紫黑忽知人事好飲不吐翌日腹痛大便

不通兼以消塊丸一大黃芒硝為丸大便下黑血腹滿  
頓退服煎劑十餘日行步如常

類聚方廣義 有婦人經斷已三四月診之腹  
中攣急胎不應手或腹中疝痛類於血瘕妊否難決  
者用此方加大黃則二便快利不過十日腹中鬆軟  
矣若懷妊者胎氣速張懷妊已累月腹中攣急者亦  
宜此方

又 眼目赤痛其人心下有支飲頭眩涕淚腹  
拘攣者宜此方肛門腫痛出水不止者有奇效

湯本求真 婦人反胃及子宮瘕攣有宜用本

方者多奇效脫肛若為胃腸筋弛緩之一分証即水  
不出者用本方有效尤以脫肛腫痛水出不止者有  
奇效

南拜山氏 用手按患者左右直腹筋見右面  
不痛或稍痛左面較為緊張而痛臍之周圍或臍下  
有塊而不堅者不問何病均可用本方此為慢性胃  
腸痛之適藥也

又 凡婦人之腸胃病貧血性病均甚有效加  
適宜之酒煎而溫服之

漢方治療各論 當歸芍藥散為妊娠腹痛之

妙劑然妊娠中常服又有安胎易產之妙功貧血虛弱之婦人或妊娠腎有羊水過多之傾向者至分娩時常用之

又 子宮內膜炎非炎証充血之証尿意頻數白帶下或水樣帶下時時腰腹痛貧血手足易冷者用之

青州醫談 世云勞瘵正証雖無效然疑似之勞瘵証者用之甚效其他如腦貧血子宮出血子宮痙攣胃痙攣及鼓脹脚氣等均有效

中國內科醫鑑 本方預防腦溢血有意外之

效

大塚敬節 余嘗觀某醫診斷腎臟炎不浮腫

而貧血心悸眩暈証尿中証明有蛋白質已近一年  
所診者為一婦人乃與此方蛋白質漸次消失心悸  
眩暈亦止未及二月而全愈

湯本求真醫話 便秘用本方時必加大黃或

黃連解毒丸(即黃連解毒湯為丸)兼用大有效也

諸家緒論 和劑局方當歸芍藥散治妊娠腹

中疝痛心下急滿及產後血暈內虛氣乏崩中久痢  
常服通暢血脉不生癰瘍消痰養胃明目益津

皇漢醫學要訣 本方以手足有寒冷之狀而  
貧血左側腹直筋攣急者為主要目標

漢法醫典 婦人腰腹痛帶下屢次流產用當  
歸芍藥散

中醫診療要覽 此方原來用於女子腹痛但  
不僅限於女子亦用於男子其目標即不分男女老  
幼有貧血傾向腰腿易冷頭痛頭重小便頻數有時  
目眩肩疾耳鳴動悸等肌肉一般軟弱如女性容易  
疲勞腹痛起自下腹部有時波及腰部或心下無腹  
痛者亦可用之但噁心嘔吐者不可用

又在妊娠中如繼續服用此方可防止諸種  
障碍於未然並使產婦早日恢復體力

按 湯本求真大塚敬節等諸人均謂此方為  
日常必用者或為散為丸或為煎劑大塚又云若專  
用於利尿則去芍藥亦極有效我個人曾用於男子  
腹水証婦人經閉証浮腫証等效果可期均以煎劑  
內服皆不去芍藥惟於手足冷者令加酒一兩同煎  
憑証使用 腦貧血眼疾弱視尤為適應心臟  
衰弱衰弱性腳氣慢性胃腸病胃腸痙攣腎臟炎不  
妊証流產癖痔疾脫肛及其他婦人諸病此外則治

桂枝茯苓丸適應証之貧血者（漢方新解）亦用於慢性腎炎半身不遂証輕証心臟瓣膜病（中醫診療要覽）其他子宮出血子宮痙攣鼓脹類似勞瘵及預防腦溢血等

妊娠腹痛下血全用

芍歸膠艾湯

芍藥 阿膠 甘草各三五 艾葉 當歸各五五

芍藥 七〇 地黃 二〇

右細剉以水酒各一合煎一合去滓一日分三

回服用忌酒者可單用水煎加酒服均可



証狀表現 原文師曰婦人有漏下者有半產  
後因續下血都不絕者有妊娠下血者假令妊娠腹  
中痛為胞阻膠艾湯主之

補充 當有左側腹筋攣急腹部常軟弱無力  
且於下腹部有知覺鈍麻及煩(四肢尤甚)熱之狀(引  
皇漢醫學要訣)一云腹部正按不痛斜按則痛者即  
本方之腹証也

立方意義 本方証由於出血後血少而有枯  
燥之狀故用含有鐵質糖質之地黃與含有糖質之  
當歸以生新血開鬱行氣之芎藭以散滯血疏解血

絡凝閉之芍藥以和血順血則血乏可補充血滯可  
順行而血之燥者雖有地黄當歸之能潤猶嫌其不  
足則用阿膠以滋養之並促進其血液之凝固而血  
之閉者雖有芍歸芍藥之能通尚嫌不足則用艾葉  
以疏解之兼通其子宮瘀血之壅滯至用於止血者  
地黄阿膠固能勝其任而艾葉以含有氯化鉀及鞣  
酸成分亦具有止血效能甘草用作緩急迫和諸藥  
調劑其平如是則血虛得補血燥行潤血壅得通血  
漏得止胞無所阻腹無所痛其配合之巧運用之妙  
有認為在膠艾二味者吳儀洛說有認為在阿膠之

滋血艾葉之調經甘草之和中有淺田宗伯說尚未能暢發本方全面之意義也

治療標的 以有腹痛下血陰虛無實熱為主標的而用之

諸家經驗談 皇漢醫學要訣有二十二歲之女子產後起子宮下垂時時出血受醫家種種之手術未能減輕請診於余乃內臟諸氣管悉皆下垂下腹部及腰部感覺鈍重不快且腹直筋之攣急診之殆不能得自稱腰部下肢之厥冷尤甚云因此用小柴胡湯與本方合方分七日與之服藥五日至受刺

激而不出血因更與前方分七日服之自覺症已輕  
快後亦得以不再勉強服藥也

類聚方廣義

姓娠顛躓胎動冲心腹痛引腰

股或胎覺萎縮狀或下血不止者宜用此方胎不殞  
者即安若胎殞者即產

又 治腸痔下血綿綿不止身體萎黃起則眩  
暈四肢無力少腹刺痛者若胸中煩悖心悖鬱結大  
便燥結者兼用瀉心湯黃連解毒湯

又 血痢不止無腹滿熱實証惟腹中掣痛唇

舌乾燥者此方間有效

名家方選 芎歸湯倍雲母用名雲母湯亭按

凡難產露手足而不出既破水而未娩引二三日者或雙胎一媵一未媵先須用此湯實催生之良劑也

蘭室秘藏 於本方去甘草加丁香名丁香膠

艾湯治崩漏不止自覺臍下如冰白帶白滑之物多間有如屋漏水或鮮血証

按 衛生家寶方治崩漏不止去甘草加丁香末四分

千金翼方 於本方加乾姜名大膠艾湯治男

子傷絕或從高墜下傷五臟微者嘔血甚者吐血及

金瘡傷經方

又 主婦人產後崩中傷下血多虛喘欲死腹痛血不止者良又治妊娠二三月上至八九月胎動不安腰痛已有所見方去芍藥地黃不用清酒

外台秘要 膠艾湯(即本方)治妊娠損傷腰腹痛欲死及胎奔上搶心短氣

又 安胎當歸湯(即本方加人參大棗)治妊娠五月舉動驚愕胎動不安下在小腹痛引腰膝小便疼下血

又 引救急治產後下痢赤白腹中絞痛於本

方去芎藭一味

醫心方 引產經於本方去芎藭加生姜橘皮

名當歸湯治妊身腰痛汗出逆冷氣上肢強飲食不  
下等証

魏氏 寒疝証見加乾姜熱証見乾姜燒灰存  
性乾姜之加乃註中所增實不易之藥余治婦人經  
血屢試屢效者也

漢藥神效方 本方治子宮出血屢得奇效

諸家緒論 求真本方治下血有腹痛無論矣

即不下血而有腹証時亦能主治腹痛不可偏執

臨証實用方 婦人氣血兩虛月經過多淋瀝  
漏下臍腹疼痛奔冲短氣漸成勞瘦者

醫學要訣 本方為陰虛証之治劑故有出血  
或貧血証狀且有瘀血之証

婦人良方 治血痢不止腹痛難忍本方去甘  
草名陳氏六物湯又去阿膠艾葉甘草名四物湯

診療要覽服用本方後如出血增加貧血亦進  
行或瀉下時應改慮改用四君子湯類或其他方  
劑

憑証使用 子宮出血子宮內膜炎流產前兆



產後出血痔出血血尿外傷後內出血紫斑病諸貧  
血証(診療要覽)此外妊娠卒下血胎動不安及男女  
吐血下血腰痛腹痛及諸種出血等(臨証實用方)

以下當歸散之變方

寒疝腹脇痛產後腹中疝痛金匱主用

當歸生姜羊肉湯

當歸 五、五 生姜 九、五 羊肉 二、九、〇

右細剉以水二合五勺煎一合去滓一日分三  
回溫服

按 方內如無羊肉求真以牛肉代証治摘要

無羊肉代以鹿肉或雞肉

証狀表現 原文寒疝腹中痛及脇痛裏急者  
當歸生姜羊肉湯主之又產後腹中疝痛當歸生姜  
羊肉湯主之並治寒疝虛勞不足

補充 有虛寒之象脈微或細弱

立方意義 本方証由血虛有寒而致腹痛腰  
脇痛則以當歸溫性行氣活血補血生姜熱性散寒  
健胃行滯羊肉熱性滋養強壯補虛體得溫而寒去  
血得補而陽升寒去陽升則疝痛自止

諸家經驗談 本草衍義仲景治寒疝用生姜

羊肉湯服之無不應驗有一婦人產當寒月寒氣入產門腹臍以下脹滿手不敢犯此寒疝也師將治之以抵當湯謂有瘀血非其治也可服仲景羊肉湯二服遂愈

張氏千金衍義 凡少腹疔痛用桂心等藥不應者用之輒效

近人有謂腹脇疼痛急不堪耐由榮血不足感受寒氣而來者用本方有神效

諸家緒論 王氏古方選註本方三味非但治疝氣冲逆移治產後下焦虛寒亦稱神劑

千金方 當歸湯（即本方加芍藥）治婦人寒疝

虛勞不足若產後腹中絞痛註云子母秘錄有甘草

又 療婦人崩中去血積時不止用羊肉當歸

乾姜地黃（按此亦當歸生姜羊肉湯之去加方也）

外台秘要 於本方加黃芪若覺惡露不盡加

桂心惡露下多覺有風加川芎覺有氣加細辛覺有

冷加吳茱萸覺有熱加生地黃汁名羊肉當歸湯

又 引小品寒疝氣腹中虛痛及諸脅痛裏急

當歸生姜等四味主之方即本方外加芍藥一味也

按 本方外有名羊肉湯羊肉當歸湯羊肉地

黃湯等類多皆根據本方加減者亦有不根據本方而別立方者概不採錄

又按 當歸散類本應并載當歸四逆湯及當歸四逆加吳茱萸生姜湯因為已先列入桂枝湯類桂枝甘草湯隊中恕不重出附此聲明

憑証使用 貧血虛寒者之腹痛疝痛產後腹中疔痛等

五苓散類

小便不利消渴吐水身有微熱者傷寒論金匱主用

五苓散

澤瀉 三三 猪苓 茯苓 朮 各六五 桂枝 一七

右為細末 一日分三回溫服

如改為煎劑 加三倍量 以水二合五勺煎一合  
去滓 一日分三回溫服

編者按 傷寒論輯義云 成本玉函 桂枝無枝

字 後人故生議 考成本註 并明理論 俱作桂枝 知其

脫誤也 諸家每因其脫去枝字 而有謂雜病當用桂

傷寒表未解者 用桂枝 (醫方集解) 欲發散表邪 則用

桂枝 欲解散膀胱虛寒 則用肉桂 (中國醫學大辭典)

胃陽素弱之人 當用肉桂 胃陽不虧 便宜縮用 疏洩

解肌之桂枝（傷寒尚論辨似宣通陽氣用桂若發熱表不解以桂易桂枝醫宗金鑑等語是皆就桂之一字而生異議者也近有作者謂本方若用官桂就能增強膀胱氣化功能使小便通暢而引導水濕從下竅出此當是經驗語可信

証狀表現 節錄原文有表裏証脈浮微熱煩渴欲飲水水入則吐小便不利者臍下悸吐涎沫而顛眩者霍亂後發熱身疼熱多欲飲水者

補充 當有心下悸煩躁不安或水腫身重或謔語脈浮弱或浮大舌苔潤腹部有振水音等証

立方意義

本方証由表裏熱邪壅遏中焦真陽失其運化能力因之體內鹽質蓄積不能由腎臟排泄所致茲用茯苓木澤四味以行濕利尿借用桂枝之力引入膀胱以溫化水氣蓋桂枝原為太陽經解表葯而又能通太陽之府協同四味共奏利尿之功於是表裏通達水道暢行無阻所有鬱滯於腎臟與膀胱間之鹽質自可順利排泄矣多量鹽質既獲排除則口渴自止脾胃既得輸運則從水下趨吐逆亦不作膀胱氣化既行水無所壅菴則動悸身疼癩眩等諸客証亦均隨之而去



治療標的 以口渴多飲水水入即吐小便不利為主標的頭眩身熱或痛或譫語脈浮弱或浮大為副標的而用之

諸家經驗談 醫方口訣予嘗治平野莊一人傷風發熱口渴而渴與水則吐後服湯藥亦吐諸醫袖手請治於予診脈浮數記得傷寒論中中風七八日不解而煩有表裏証渴欲飲水水入即吐者名曰水逆五苓散主之之言遂以五苓散末白飲（係白末湯飲一作白湯飲）和服一匕知三匕已

又 治江府安藤氏之家人消渴經年且胸脇支

滿而頭暈與五苓散加甘草水煎使服之不三劑諸証悉治此蓋用金匱苓桂朮甘湯及五苓散之二法也

續建殊錄

和州某(上卷)自客歲丁巳春食餌

三倍於少壯至今年而添渴飲水數升未嘗腹滿近頗自警以數合為度如是能飲能食謂當見肥而反日瘦他亦無所苦先生診之問其他答曰唯腹皮麻痺小便頻數耳乃與五苓散服之而渴愈

類聚方廣義

霍亂吐下後厥冷煩躁渴飲不

止而水藥共吐者宜嚴禁湯水果物每欲飲水與五苓散但一帖分二三次服為佳不過三帖嘔吐煩渴

必止吐渴若止則必厥後而發熱身體痛仍用五苓散則必熱汗出諸証脫然而愈

葉橘泉 治一顧姓女年三十餘一九四三年

秋患霍亂先由某醫院注射生理食鹽水十七八磅住院四五日認為已脫險而出院返家後因乾嘔頻頻煩躁口渴飲水入口即吐通宵不眠小便點滴不行且呈朦朧糊語邀余診至病榻前即嗅得一般尿臭氣經檢查細尋據稱大便已二三日不下小便亦二十四小時未行矣該尿臭竟由患者口中噴出者余曰此已成為尿中毒為霍亂後常見之續發証危

即

險之至疎後多不良余有一方恐亦鞭長莫及為擬  
大劑五苓散加茅根西瓜皮滑石三味作煎劑並諄  
囑病家不如再送醫院用注射利尿劑以資急救詎  
翌晨又邀覆診謂藥後已得小便二次患者神情亦  
較好往診果見神識畧清煩渴較減後以原方加減  
醫療四五日即愈

續名家選方 五苓散加茅苡車前草蒼朮水  
煎服為療雀盲奇方

漢藥神效方 本方除桂枝名四苓散淺田宗  
伯用於婦人下痢不止加車前子往往得奇效

皇漢醫學要訣 小兒陰頭龜頭水腫及陰囊

赤腫者亦有奇效

張杲醫說

胸中有痰飲及小兒吐衄欲作癇

服五苓散最效

博聞類纂

風濕氣用五苓散半帖入姜三片

大棗一枚同煎服一碗立效

諸家緒論

和劑局方本方加辰砂名辰砂五

苓散治傷寒表裏未解頭痛發熱心胸鬱悶唇口乾  
焦神志昏沈狂言譫語如見鬼神及瘡癩煩悶不省  
者如中暑發渴小便赤澀用新汲水調下小兒五心

煩熱焦躁多哭咬牙上攏欲為驚狀每服半錢溫熱  
水下

直指方 治濕証小便不利又治尿血加辰砂  
少許燈下一握新水煎湯調下又治便毒疏利小便  
以泄敗精用葱二莖煎湯調下又治傷暑煩渴心下  
水氣又流行水飲每二錢沸湯調下小便不利加防  
己佐之

朱氏集驗方 本方加大附子一隻取空入五  
苓散內炮熱為細末姜湯下治翻胃吐食名附子五  
苓散

按 此方須確審其胃寒用之否則不宜

醫宗金鑑 本方加人參名春澤湯其意專在

助氣化以生津

醫方集解 本方去桂名四苓散東垣云無惡

寒証不可用桂周揚俊云五苓為渴而小便不利者  
設若不渴則茯苓甘草湯足矣若但渴則四苓足矣

傷寒百問 經絡圖五苓散治瘴氣溫瘧不服

水土黃疸或瀉又治中酒惡心或嘔吐痰水水入便  
吐心下痞悶又治黃疸如黃橘色心中煩急眼睛如  
金小便赤澀或大便自利若治黃疸茵陳湯下

中國內科醫鑑 本方之吐大多食入後即吐

其脈浮而數不緊也又幼年之急性汎發性腎臟炎  
屢現五苓散証即浮腫尿利減少口渴及吐與頭痛  
吳遵程方論 五苓散逐內外水飲之首劑凡  
屬水飲停蓄津液固結便宜取用

傷寒論輯義 按此病之主要關鍵在表微熱

裏消渴又方中桂枝乃極重要之藥後人用此方畏  
桂枝之辛溫而去之名為四苓失之遠矣但桂枝禁  
例仍不可忽假如無汗暎熱自非五苓証若舌乾而  
絳者桂枝亦非宜須知五苓証雖渴乃燥濕不能互



化唇雖焦其舌面決不乾燥也

三因方 己未年京師大疫汗之死下之死用

五苓散遂愈

漢法醫典 小兒脾疳雀目有微熱而渴用五

苓散

千金方 主治時行熱病但狂言煩躁不安精

采言語不與人相當者

曹世榮 小兒驚風及泄瀉並宜用五苓散以

瀉丙火滲濕土因其內有桂枝能抑肝風助脾土也

傷寒廣要 引萬安方減桂五苓散(即本方去

桂枝治傷寒時氣燥渴飲水得效名四苓散

憑証使用 日射病膀胱病糖尿病腎臟炎尿崩証尿中毒虎列拉急性胃腸炎胃弛緩胃擴張胃下垂無力症心臟瓣膜病浮腫病眼病陰囊水腫溫瘧等

以下五苓散加減方

有五苓散証而發黃者加茵陳金匱名

茵陳五苓散

五苓散 三〇。 茵陳 一五。

右為細末每回三、〇—五、〇開水沖服一

日三回或以茵陳煎湯調五苓散一日二回分  
服或加三倍量作煎劑一日分三回溫服  
証狀表現 原文黃疸病茵陳五苓散主之  
補充 當有小便色紅難出口渴心煩嘔吐或  
難眠或大便塘泄等証

立方意義 黃疸原本於濕熱本方証則濕多  
於熱熱固宜散濕尤宜祛五苓散原為解表行濕利  
尿之劑今加入清涼性之茵陳既有解熱發汗淨血  
利小便之能更有促進胆汁分泌之作用可使胆道  
濕熱從汗腺尿道排洩而治愈

治療標的 以有黃疸証狀口渴嘔吐小便紅  
為主標的大便溏難眠等為副標的而用之

諸家經驗談 醫方口訣治平野村一賈五月  
間乘梅雨往返大坂自覺身體微熱四肢倦怠一醫  
作風濕用藥則惡寒其一醫作傷寒用藥則發熱甚  
醫治經月前証愈甚昇至敝廬求治診之脈沉問渴  
乎曰渴小便利乎曰不利而色黃予曰金匱云脈沈  
渴欲飲水小便不利者當發黃又云黃疸証茵陳五  
苓散主之因日晚不及為末唯作湯藥與之一劑而  
進食五劑而熱退十劑而病若失後用調理而安

諸家緒論 金鑑茵陳五苓散治濕熱發黃表裏不安小便不利者無不克也

漢方治療各論 茵陳五苓散治黃疸尿量減而口渴者腹証為腹壁軟而腹筋拘攣屢屢伴有留飲者

証治準繩 茵陳五苓散治傷寒溫濕熱病感冒後發為黃疸小便黑赤煩渴發熱不得安寧

憑証使用 流感性黃疸濕熱証煩渴小便少有五苓散証而小便淋瀝有痛以及膿血尿漏者去桂枝朮加滑石阿膠傷寒論金匱名

猪苓湯（一作猪苓散）

猪苓 滑石 茯苓 澤瀉 阿膠 各等分

右剉細先煎猪茯苓澤滑四味去滓入阿膠再煎  
俟溶解為度一日分三回溫服

證狀表現 原文節略如下脈浮發熱渴欲飲

水小便不利少陰病下利六七日欬而嘔渴心煩不  
得眠病在膈上嘔吐復思水者

三方意義 本方証由熱邪傷陰以致陽明少

陰二經津液耗失在下則溲少在上則口渴為用阿  
膠質高養陰而潤燥滑石寒降去熱而滑竅津液得

復阻塞得通再以猪茯澤瀉利而行之則濁熱去而陰不受燥與五苓之用朮桂有間矣

治療標的 以熱邪傷陰口渴小便淋瀝為主標的嘔吐心煩發熱或尿膿血為副標的而用之

按 本方與五苓同有利尿解渴除表熱之功其所以分別使用不同之處有難得其解者或因治療相似而誤用者為引兩說於下據高學山氏說二湯有毫厘千里之辨只在陰陽上下之間五苓証是熱傷真陽故用桂朮醒脾以崇土猪苓証是熱傷真陰故用滑膠鎮浮陽以助水且五苓洩滲注意在中

上二焦清水之源也猪苓之滲泄注意在中下二焦  
清水之流也二湯可誤用乎閻德潤氏說五苓散之  
渴主要在藍類代謝障礙而發生故以汗泄之法解  
之猪苓湯之渴主要因水分喪失故以阿膠固之是  
諸証雖皆有渴感然因其發生之機制不同故用藥  
亦殊也

二說雖不同而可以互通學者當不致迷惑於  
利尿解渴除表熱相同之功而誤用之矣

諸家經驗談 筆鋒雜興小便轉胞用猪苓湯

調下甘遂末一錢立通



湯本求真 本方應用於膀胱尿道疾患蓋有  
奇效於淋病尤效

栗原廣三 下痢下膿血者用本劑治之有奇  
效

證治摘要 尿血証亦用此方重者兼用黃連  
解毒湯又妊娠惡阻用猪苓散大效予以苓朮猪苓  
為湯用累用累驗(有人名之為三苓湯)

中國內科醫鑑 腎臟結石症欲圖利尿而排  
除石者以猪苓湯為宜

續葯徵 見其下血而後施此方則未嘗不差

者若不見其下血則雖施此方亦未嘗奏其功數試  
數驗云

古方便覽 一男子患血淋二三年一日血大  
出痛不可忍目眩不知人事余即與此方漸漸收效  
而不再發

東郭醫談 一男子下血大小便不通腹滿欲  
死醫與四物湯加山梔黃柏腹滿仍甚(中畧)余以猪  
苓湯加大黃小便漸次通快

類聚方廣義 姪娠七八月有北戶焮熱腫痛  
不能起卧小便淋瀝者以三稜針輕輕刺痛處放出

瘀水後再用此方則腫痛立消小便快利若一身悉  
腫發前証者宜越婢加朮湯

又治淋痛小便點滴不通陰頭腫痛少腹膨  
脹而痛者或莖中痛出膿血者

漢法醫典 婦人之膀胱尿道炎輕症時本方  
屢屢著效

諸家緒論 皇漢醫學本方証有劇痛者加甘  
草排膿不止者加薏苡仁宜下者加大黃

醫方效 猪苓滑澤皆滲利而又有下多亡陰  
之懼故用阿膠佐之以存津液於決瀆爾

傷寒大白 陽明熱結小便不利不用五苓而  
用此方家秘以黃芩易阿膠最效

按 此方不取阿膠之滋潤而取黃芩之苦寒  
其獲效者以中焦有實火藉其力以降之耶

憑証使用 淋病尿血急性腎炎膀胱炎結核  
性腎臟炎腎結石黃疸腰以下腫尿道炎膿血痢  
娠惡阻等

烏頭湯類

寒疝惡寒腹痛冷汗出手足厥逆金匱主用

烏頭煎

外台名烏頭湯三因方名大烏頭湯原  
書因為有烏頭湯方故用煎字別之茲

借作為烏頭湯類之首方

烏頭(大者一。)(皇漢醫學作一二。)

右細剉以水九勺煎三勺去滓內蜂蜜六勺再煎成六勺頓服不差明日更服不可一日再服証狀表現 原文腹痛脈弦而緊弦則衛氣不行即惡寒緊則不欲食邪正相搏即為寒疝遶臍痛若發則白汗出(一作白津冷汗也)手足厥逆其脈沈緊者大烏頭煎主之

外台 烏頭湯(即大烏頭煎)治寒疝腹中絞痛賊風入攻五臟拘急不得轉側發作有時令人陰縮

手足厥逆

立方意義 本方証由寒毒內結與正氣互相搏擊而作痛為謀取戰勝頑強病敵計只有選用辛熱猛鷲之將如烏頭者始能殺敵致果然烏頭性暴而悍能殘害人民更必須佐以滋養和緩之蜂蜜監制之則止於殺敵而不擾民然必至病情急迫用諸藥不能解時始可用之

按 烏頭原係辛熱大毒之品多用於外治風濕性關節痛至於內服除用蜂蜜煎製可緩其毒外更有採用豆腐黑豆煮透及姜汁炒透者又有用

鹽水漬者其法用食鹽五錢溶化在清水五合裏然後將烏頭一兩浸在該鹽水中經過二三日取出埋在爐內溫灰中一晝夜取出以水洗浸使其乾燥以火焙之入煎劑煎汁用(日用新本草)更有用童便浸粗紙包煨熱去皮臍切塊再用川連甘草黑豆童便煎湯乘熱浸透曬乾用或祇用三味煎濃汁去滓入烏頭煮透用(得配本草)惟最忌酒炒酒浸能使毒性加大據近賢朱中德云酒精浸出的烏頭素要比水煎出的多毒性用之比水煎出的超過十餘倍務須注意但能在用酒精製後可使烏頭素隨酒精浸出

除去用蒸煎法可使烏頭毒素變為 *Barré Comie* 和  
*aconine* 膺鹹使毒素稍減是皆為殺烏頭毒而有不  
同的製法也用量大人一日用 0.3—1.0 克  
最多不得超過 1—2.0 克

治療標的 以經久發作疝痛腹痛甚劇出冷  
汗手足厥逆脉沈弦為主標的而用之

諸家經驗談 建珠錄并筒屋播家之僕年七  
十餘自壯年患疝瘕十日五日必一發壬午秋大發  
腰脚攣急陰卵偏大而欲入腹絞痛不可忍眾醫以  
為必死先生診之作大烏頭煎(每帖重八錢)使飲之



斯須瞑眩氣絕又頃之心腹鳴動吐水數升即復原  
且後不再發求真按此是強度性的嵌頓氣蹙小腸  
氣然一舉而使根治可知古方之絕妙矣

徽瘡治方論 一僧年五餘患所謂長腹痛晝

夜三四發腹中雷鳴刺痛少腹結塊心下痞塞一醫  
療之與附子粳米湯及滾痰丸半歲許無寸效因請  
他醫醫曰前醫所為誤也蓋此病因少腹結塊而心  
下為之痞塞腹中因之而痛其餘皆証耳乃與半夏  
瀉心湯及消塊丸又半年許病不動於是轉醫數十  
輩或服益氣劑或用補脾藥或曰疝曰癥曰積曰聚

治盡無效已經四年日甚一日請予治診之腹裏有一痼毒輕按不覺重按則微覺之餘証如前因先作烏頭煎及三黃丸使服之五十餘日更作化毒丸與之且時時兼用流毒丸（大黃礬石巴豆輕粉為丸）攻之出入百餘日數年之腹痛忽然而退少腹之結塊忽然而解腹裏之痼毒亦消盡若失矣

諸家緒論

類聚方廣義寒疝腹中痛叫呼欲

死面色如土冷汗淋漓四肢拘急厥冷煩躁脈弦遲者用此方即吐水數升其痛立止此古方之妙非後人所得企及也

科學的民間葯草 烏頭劇毒不適內服民間

用以外敷用烏頭和烱化的阿膠搗敷或是用酒浸  
烏頭水煎烏頭液洗四肢疼痛處能治關節炎痛風  
疝氣証治論 烏頭煎治暴疝閉塞諸方不應  
者烏頭二錢水一盞蜜半盞煎一盞取用

憑証使用 經久寒疝痛及腹痛頗劇者外用  
塗敷關節炎痛風等或酒浸水煎洗

以下為烏頭煎之加方

烏頭煎証而有歷節痛不能屈伸加麻芍芪草金匱

名

烏頭湯

麻黃 芍藥 黃芪 甘草各三。烏頭一。

右細剉以蜂蜜六勺煎烏頭成三勺去滓別以  
水一合八勺煎餘藥成六勺去滓內蜂蜜煎更  
煎六勺頓服

証狀表現 原文病歷節不可屈伸疼痛烏頭  
湯治脚氣疼痛不可屈伸附外台烏頭湯治寒疝腹  
中絞痛賊風入攻五臟拘急不得轉側發作有時令  
人陰縮手足厥逆

補充 當有自汗盜汗浮腫或腰以下腫痛或

腹中絞痛等

三方意義 本方証由寒毒凝結筋脈澀滯而起故特用辛溫猛烈之烏頭為先鋒沖激迷走神經中樞使其麻痹再以甘草蜂蜜緩和其毒性則疼痛雖可制止尚必須以麻黃通其肌腠芍藥調其神經黃芪運其血液於是寒毒散神經舒血脈運行疼痛即可消失

治療標的 以寒毒凝結歷節痛疝痛不可屈伸為主標的而用之

諸家經驗談 成績錄一男子左脚攣急不可

屈伸時時轉筋入腹自少腹至胸下鞅滿上衝不得  
息自汗如流兩足厥冷二便閉微渴日夜不得眠仰  
卧不能轉側舌上微黑先生與烏頭湯汗止厥已諸  
証稍緩然兩便不通鞅滿如故轉筋益甚更與桃仁  
承氣湯二三日大便快利小便亦能通歷十餘日諸  
証悉愈

方函口訣 一婦人臂痛甚不可屈伸晝夜號  
泣眾醫不能治余用此方得速效

又 腰痛數年不止如佝僂狀者少翁門人津  
川良哉用此方腰貼芫菁膏而全治又青州翁用於

囊癰而奏效

橘窗書影

八百屋萬吉之息八歲去年起右

脚攣結不能步行漸至右臂骨突出經筋痛不可按  
其他如故概作肝証治與抑肝湯之類余以為胎毒  
所流注如法使用烏頭湯蜜煎兼用化毒丸數十日  
攣痛漸減緩得以起步矣余近治此証十人大抵以  
此法拔其痼疾

諸家緒論

湯本求真本方用於歷節風白虎

風痛之劇証有速效其他可運用於破傷風脚氣痘  
瘡等

方園口訣 此方若少用甘草且不加蜜則無效因此二味能和血脈緩筋骨也又囊癰有用本方而奏效者

類聚方廣義 脚氣痿弱不能起立麻痺殊甚諸烏附劑無效者宜此方又癰疽累日膿不潰堅硬疼痛不可忍者或已潰後毒氣凝結腐蝕不復新肉難出者或附骨疽瘰癧瘡膿不盡者或久年梅毒沈滯不動者皆主之

中國內科醫鑑 腸脊積証本病忽然現重篤之証狀非初期也宜從証選用附子梗米湯大烏頭



煎烏頭湯赤丸之類一舉而可得效本病起時便秘者千萬不可用下劑如大陷胸湯大柴胡湯大承氣湯大黃牡丹皮湯等切不可用而宜用溫葯熱葯如乾姜附子類之配劑如前述之方

奇正方 歷節風白虎風痛初起劇証用本方有神驗

有持桂里 中風証從疝而來手足踳攣或半身不遂脈弦緊者用本方為吾門百試百效之法

脚氣鈎要 烏頭湯用於外因脚氣閉塞表氣者治關節疼痛肌肉麻痺外行凝滯內去冷結是長

沙化工之妙手

憑証使用

關節風濕痛脚氣痿弱麻痺掌丸

偏大腫痛及癰疽瘰癧瘡堅硬不潰與潰後排膿不盡者或久年梅毒痼結者

有烏頭煎証而兼桂枝湯証表裏壅蔽腹痛身痛手足不仁合而用之金匱名

烏頭桂枝湯

烏頭一〇（一作二〇）

桂枝湯（桂枝）

芍藥

生姜大棗略

甘草二〇

右細剉以蜂蜜一合二勺煎烏頭六勺去滓以

桂枝湯六勺和解之頓服六勺若無效更服六勺其知者如醉狀得吐者為中病

証狀表現 原文寒疝腹中痛逆冷手足不仁若身疼痛灸刺諸葯不能治抵當烏頭桂枝湯主之  
按 抵當解說據和久田氏云抵訓當以物當之也此方以暝眩劑而當病毒之凝結是以謂之抵當查傷寒論抵當湯註云抵至也亦至當不易之証治也錫駒云抵拒大敵四物當之柯氏云抵當者謂直抵其當攻之所也此方用抵當二字亦是此義應以柯氏說為直截了當

補充 當有身冷疼痛之証

立方意義 桂枝湯原治寒氣在表之方烏頭煎是治寒氣在裏之方今因寒氣壅塞表裏故合併用之

諸家經驗談 唐宗海在本方下注云予大小兒年二十六歲初病時少腹滿兩旁相去有六七寸遠結二癰長三寸濶二寸不紅不痛其氣似相通狀大便不通發作寒熱食少醫者紛紜不一或以托裏發散或用下法藥多不效至二三日之後腹滿漸高脹及腹上及胸脇逆氣冲及咽喉藥物飲食不能下

咽氣喘冷汗出四肢厥有一時許竟目直開口予不  
得已用大溫回陽之劑（著者雖未寫明本方然可知  
其是指本方也）灌之其初不能下咽後約進有四分  
之一其氣畧平此甦回予查其病症云夜夜泄精或  
有夢或無夢泄時知覺以手控之有二三刻久方止  
夜夜如是後驚不敢睡至鷄鳴時時泄診其脈弦細  
芤遲余思良久方覺陰寒精自出勻生二癱者乃陰  
寒聚結也治之非大溫大毒之品不能散陰寒之結  
非大補元氣不能勝陰寒之毒後用四逆白通理中  
建中等湯數服病症漸漸而差

古方便覽 一男子年四十三數月疝氣腰冷  
如坐水中大抵每旬必一發發則臍腹大痛手足強  
不能屈伸與此方二十劑大吐其水病減大半更以  
控涎丹下之而全愈

又 一男子年五十左半身不遂口眼歪斜言  
語蹇澀手足振動余用此方大吐水而困倦病家驚  
駭余曰不必畏是藥之瞑眩也後諸証盡除而收全  
效

諸家緒論 方園口訣此方為寒疝之主劑故  
用於腰腹陰囊苦痛者後世雖用附子建中湯不如

蜜煎此方之有速效也

又 失精家常腰脚冷臍腹無力脚弱羸瘦腰痛者此方及大烏頭煎有效依証加鹿茸或為末加入亦佳

類聚方廣義 寒疝繞臍痛上連心胸下控陰囊苦楚不可忍手足厥冷汗如流者非此方不能救之

腹証奇覽 臍下現大筋如張弓弦其筋引牽丸或股際或上腹而腹痛如絞或有繞臍成塊者是寒疝也

漢藥神效方 引蘭軒氏說道玄家有中風奇藥方為桂枝附子湯或烏頭桂枝湯加大黃棕葉用之

憑証使用 寒疝失精脚弱腰痛等証劇甚者或中風半身不遂手足振動者

烏頭煎証而有心下悸嘔吐及痰者加茯苓半夏細辛為丸金匱名

赤丸

烏頭四。 茯苓 半夏各八。 細辛二。

右為細末內真朱(即硃砂)為色以蜂蜜為丸一



次用四、。許一日三回以酒服用不能酒服者白湯送下

証狀表現 原文寒氣厥逆赤丸主之

補充 當有腹痛疾飲心下悸惡寒嘔吐微厥之証

立方意義 本方証為烏頭煎証之輕而緩者故以烏頭細辛溫散陰寒茯苓半夏降泄水毒而少佐以寒降之硃砂者因胃陽為寒氣所逼上逆嘔吐用是以去浮溜之火而兼鎮心悸也微妙之處非細心體會不能盡悉

按 此方金鑑謂有脫簡難以為後世法不釋  
其他諸家亦多畧而不詳日醫曾知用之但少有病  
例可考茲僅錄其有關治療方面可資參攷者如下  
諸家緒論 類聚方廣義疝家脇腹攣痛惡寒  
腹中漉漉有聲嘔而眩悸其証緩者常用此方為佳  
憑証使用 寒疝腹脇痛胃陽不振有痰飲水  
氣上逆嘔吐者

以下係烏頭煎之變方

男子失精女子夢交腰冷臍下有動悸者金匱用

天雄散

天雄一〇（一作六）龍骨六〇朮一六〇桂枝一二〇

右為細末以酒一回二〇許一日三回服用  
或以水三合煎一合去滓一日三回分服不知  
稍增之

按天雄係烏頭在地中經年不生小根者之  
別稱其毒性與烏頭相埒

証狀表現 原文此方僅載在血痺虛勞病脈  
証并治篇桂枝龍骨牡蠣湯之下無條証

編者按 尤氏疑此方為後人所附程氏金鑑  
亦均刪去陳修園氏將此方移於八味腎氣丸之後

唐宗海非之謂應移於桂枝加龍骨牡蠣湯之後藥  
徵引李時珍本草綱目說此仲景治男子失精之方  
也然則舊有此証而今或脫也男子失精女子夢交  
桂枝加龍骨牡蠣湯主之下當云天雄散亦主之今  
可以此說作為本方之証其條文如下

夫失精家少腹弦急陰頭寒目眩髮落脉極虛  
花遲清穀亡血失精脈得諸花動微緊男子失精女  
子夢交桂枝加龍骨牡蠣湯主之

立方意義

本方証由脾腎陽虛陰寒固結於  
下用白朮者取其有燥脾除濕健運中州之能用天

雄者取其氣雄力猛有助陽散寒之能用桂枝者取其外達肌表內通膀胱有協引天雄助陽道煖水臟之能用龍骨者取其有益腎固精收攝浮越正氣之能如是則中下焦陰寒自不難驅除脾胃陽虛自不難恢復所有上焦浮陽亦不難自返其宅陽既得入於陰陰亦得交於陽尚何有失精夢交等証之出現哉

諸家經驗談

類聚方廣義陰痿病臍下有動

或小便兼白濁者嚴禁入房服此方不過一月必有  
效作湯用反良又治老人腰冷小便頻數或遺溺小

腹有動者

方園口訣

此方治桂枝加龍骨牡蠣湯之屬

陰寒者一人常苦陰囊冷時精汁自出者此方為丸藥長服而愈

諸家緒論

皇漢醫學引東洞說失精家小便

不利臍下有動或惡寒或冲逆者主之

金匱要略輯義

按外台載范汪方療男子虛

失精三物天雄散即本方無龍骨云張仲景方有龍骨文仲同知是非宋人所附也

憑証使用

失精夢交陰痿陰冷老人腰冷小

便頻數或失禁者

腎虛中風或長非氣或陽虛或人作助或道不...

失精之症或年華漸逝本不無精骨未壯氣本亦弱

或全前或如後是... 其性喜靜或既子欲求子至

不除難可或使後或或或或或或或或或或或或

或或或或或或或或或或或或或或或或或或或

或或或或或或或或或或或或或或或或或或或

或或或或或或或或或或或或或或或或或或或

或或或或或或或或或或或或或或或或或或或

或或或或或或或或或或或或或或或或或或或